

idest eucharistiam, peccet mortaliter necne, doctores inter se non conveniunt: nonnulli affirmantes, quia ipsi sunt ministri ad hoc sacramentum dispensandum consecrati (1), alii negantes, quia ipsi non agunt nomine Christi nec directe sanctificant suscipientem, sed quasi sacramentum transferunt de loco in locum (2); quae sententia probabilior videtur (3). At etiam patroni primae sententiae passim admittunt in mortali ministrantem pluribus eucharistiam, unum tantum mortale peccatum committere, cum una sit actio moralis unumque convivium; dum e contrario sacerdos in mortali, plures absolvens in sacramento poenitentiae, verius totidem mortalia peccata perpetrat, quia singulae absolutiones sunt singula sacramenta.

Pariter qui celebrat Missam in peccato mortali non bene constat quot peccata mortalia committat, utrum unum tantum, quia est una actio, an duo, quia indigne conficit sacramentum et indigne sumit, an tria, quia indigne conficit, indigne sumit et indigno ministrat, an quatuor, quia indigne conficit, indigne sumit, indigno ministrat, et indigno ministrat (4). Utcumque, confitenti sat erit dicere se celebrasse in lethali.

Quod autem pertinet ad alias functiones sacras praeter confectiones et administrationes sacramentorum, communior et verior sententia est ministrum qui eas conficit in mortali, non peccare mortaliter (5). Ad rem Suarez, *in 3 p., disp. 16, sect. 3*: « Cum aliae actiones, praeter sacramenta, non sint ad sanctificationem per gratiam proxime ordinatae, neque in eis se exhibeat sacerdos ut minister Dei sanctificans animam, non est tam gravis causa et ratio exigendi internam animae sanctitatem ad eas exercendas. Ergo illas in peccato efficere ex parte materiae, non videtur esse grave sacrilegium ».

(1) S. Alph., VI, n. 35, cum Suarez, Concina, Roncaglia, Layman.

(2) Vasquez, *Disp. CXXXVI, cap. III, n. 30*; De Lugo, *l. c., n. 155*; Croix, VI, I, n. 94; Sporer, n. 172; aliique plures ex recentioribus, inter quos Ballerini ad Gury, II, n. 209.

(3) D'Annibale, III, § 413.

(4) D'Annibale, *l. c., n. 47*, qui in primam sententiam inclinat; S. Alph., *l. c., n. 35*, qui quartam sequitur.

(5) S. Alph., *l. c., n. 37*, plures alios citans.

Articulus II.

De potestate ordinis in singulis gradibus.

1146. In primis recolimus (*n. 495*) principium generale: Inferior potestas comprehenditur in superiori virtute, sicut sensus in intellectu, et ducatus in regno. Hoc principium falleret in potestate presbyterali relate ad potestatem episcopalem, juxta communiorem sententiam quae tenet episcopatum esse simplex complementum presbyteratus (*n. 22 sequ.*). At potestas presbyteralis certe continet eminenter potestatem diaconalem seu ministerii: quomodo enim qui habet potestatem sacrificandi, non haberet potestatem ministrandi sacrificanti? Fortasse Apostoli hoc solo eminenti modo diaconatum receperunt quando in ultima coena sacerdotes et episcopi facti sunt (*n. 31*). Pariter potestas diaconalis certe eminenter continet potestatem omnium ordinum inferiorum; non enim Ecclesia nonnullas diaconorum functiones aliis committens (*n. 35*), potestatem ipsas perficiendi diaconis abstulit. At potestas subdiaconi non videtur continere eminenter potestatem ordinum minorum, nec potestas acolythi potestatem exorcistae, lectoris, ostiarii, nec potestas exorcistae potestatem lectoris et ostiarii, nec potestas lectoris potestatem ostiarii, quia omnes eae potestates singulae derivaverunt e potestate ministeriali, non vero una ex alia. Ad rem Hallier, *p. II, sect. I, cap. I, art. II, § V, n. 17*: « Detur mihi presbyter qui nec diaconatus nec subdiaconatus nec reliquos inferiores gradus susceperit, poterit ille, nisi ecclesiastica lege ab officio presbyterali in poenam perversae ordinationis suspendatur, poterit, inquam, virtute ordinationis presbyteralis munia omnia praestare quae inferioribus ordinibus assignari possunt; non quod potestas inferiorum ordinum presbyteralem praesupponat, sed quod in ea eminenter continueatur; sicut etsi potestati regiae, non judicis, non gubernatoris potestates praesupponantur, quia tamen in ea eminenter continentur, ideo quod iudex, quod gubernator potest,

rex potest non eadem qua iudex, qua gubernator potestate, sed eminentiori. Similiter diaconum, licet per saltum promotum, existimo posse ceterorum ordinum officia exequi ob virtutem illam eminentialem qua reliquorum ordinum officia complectitur, tanquam *selectus liturgiae administrator* (quo nomine vocat eum S. Dionysius, *De ecc. hier.*, cap. III), tanquam praecipuum ac principale sacrorum organum ac minister generalis, cui... omnium officiorum quae reliquis ordinibus propria sunt, potissima sollicitudo incumbit. Neque tamen simile iudicium ferendum censeo de reliquis ordinibus: etenim quae uni diacono officia, tanquam ministro a Christo constituto, quae presbytero, tanquam sacris praefecto, universa tribuuntur, ea in singulos inferiores ordines peculiariter distribuuntur, ita ut neuter in alterius messem falcem mittere debeat, neuter alterius officium assumere, circumscriptaeque sint singulorum potestates; quarum licet una altera nobilior sit, tamen diversi singulae sunt ordinis, quarum ea quae nobilior est, eminenter ignobiliorem non continet, v. g. nec exorcistae potestas, lectoris; nec acolythi, exorcistae potestatem complectitur. Unde et Ambrosius, *lib. I Off.*, cap. XLIV, prout alius sacrario, alius lectioni, alius exorcismis opportunior est, diversos diversis officiis applicandos monet, ostendens nimirum diversas illas esse potestates quarum neutra aliam eminenter contineat; cum e contra diaconus et presbyter omnibus istis quasi superintendentes emineant. Laodicens quoque synodus neminem, nisi manus impositione ad hoc manus suscepta, aut lectoris (*can. 15*) aut exorcistae (*can. 26*) officiis vacare decernens, indicare mihi videtur nec acolythos, nec subdiaconos ipsos exorcistarum aut lectorum habere potestatem, nisi exorcistae vel lectores creati fuerint atque ordinati ».

1147. Proinde nobis semper perdifficile fuit id quod docet Suarez, *De censuris, disp. XLII, sect. IV, n. 9*, citans communem opinionem, nempe consecratum in episcopum, praetermisso diaconatu, aut aliquo alio ex inferioribus ordinibus, ordinem quem non recepit, invalide conferre, quia nemo dat quod non habet. Nam hic episcopus illum

ordinem habet *eminenter*, et ideo illum conferre valide potest. Numquid in primitiva Ecclesia episcopus qui aliquem ex minoribus ordinibus non receperat (*n. 495*), illum valide conferre non poterat? Numquid rex, quia numquam fuit praefectus, praefectos non potest constituere? Suarez, *l. c.*, aliquos citat, inter quos S. Thomam, in 4, *dist. 25, q. 1*; sed Angelicus hoc loco id minime docet.

Sed jam singulos gradus percurramus.

1148. *Episcopatu* ex divina institutione datur potestas conferendi sacramentum ordinis et confirmationis, nec nonabilitas ad gregem Christi regendum, quae deinde, per legitimam missionem a R. P. acceptam ab eoque dependentem, ad actum transit. Praeterea ex institutione ecclesiastica datur potestas conferendi ordines non hierarchicos qui sacramenti rationem non habent, et potestas conficiendi plura sacramentalia, e. g. consecrandi et benedicendi altaria, ecclesias, olea sancta, calices, patenas; benedicendi abbates, abbatissas, reges, reginas; velandi virgines, etc.

1149. *Presbyteratu* ex divina institutione datur potestas consecrandi corpus et sanguinem Christi, et ministrandi omnia sacramenta, saltem valide, cum sequentibus limitationibus. Ad validam et licitam sacramenti *poenitentiae* administrationem, praeter potestatem ordinis sacerdotalis absolvendi a peccatis, requiritur iurisdictio ob naturam specialem huius sacramenti. Quoad sacramentum *confirmationis*, presbyter sua ordinatione non obtinet nisi habilitatem ad illud conferendum, posito apostolico indulto (*n. 332*); quod si habeat, presbyter est minister *extraordinarius*, dum episcopus est minister *ordinarius* huius sacramenti. Presbyter nequit vi suae ordinationis ordinem conferre; num et quatenus potestas ordinem conferendi possit a R. P. presbytero demandari, vide *n. 798 sequ.* Tandem sacramenti *matrimonii* ministri sunt ipsi contrahentes. Insuper ex eadem divina institutione datur per presbyteratumabilitas ad curam animarum et praedicationem verbi divini, habita missione a legitimo superiore. Ex institutione autem ecclesiastica datur potestas conficiendi plura sacra-

mentalia, e. g. plures benedictiones; item potestas recitandi solemniter preces liturgiae, etc.

1150. *Diaconatu* ex divina institutione datur in genere potestas *ministrandi* sacerdoti seu subsidiariam opem eidem praebendi; sed deinde Ecclesia determinavit hujus ministerii munera, et ideo non semper fuit eadem disciplina.

1151. In primis saeculis diaconorum officia ac jura magna erant, ita ut in Constitutionibus Apostolicis, *lib. II, cap. XLIV*, diaconus appellari potuerit episcopi *auris et oculus et os, cor pariter et anima*. Phillips, *I, § 37*, ita eorum functiones describit, citans in notis relativa historica documenta :

« Le Christ a donné aux évêques l'unité du commandement, mais comme ils ne pouvaient l'exercer tout entier par eux-mêmes, ils ont associé à leur puissance des prêtres et des diacres. Aux premiers ils ont délégué le gouvernement intérieur du sanctuaire, aux seconds les fonctions du saint ministère et plus spécialement le soin des pauvres et des malades, la protection des veuves et des orphelins, l'administration des biens temporels de l'Église, l'assistance des étrangers et des chrétiens captifs et destinés au martyre. Tandis que l'antique usage de l'Église nous montre le prêtre se renfermant dans l'enceinte sacrée de la maison de Dieu, nous y voyons, au contraire, le diacre se répandre parmi le peuple et se mêler de plus près à sa vie, à ses intérêts temporels; conformément au même usage, ce sont aussi les diacres qui maintiennent dans les assemblées du peuple, dans le lieu saint, l'ordre prescrit par les règlements; et comme la loi veut que rien d'impur ne s'approche de l'autel, les diacres veillent encore à en éloigner tous ceux qui ne sont point baptisés, ainsi que les possédés et les pécheurs scandaleux.

» Les diacres conjurent les malins esprits par l'imposition des mains; et bien qu'assurément ils n'aient pas le droit de remettre et de retenir les péchés, ils exercent néanmoins extérieurement et symboliquement le pouvoir des clefs. Ce sont, en effet, les diacres qui ouvrent les portes de l'église, et qui après avoir lu du haut de l'am-

bon la parole de Dieu révélée par les prophètes, les apôtres, les évangélistes, font sortir du temple, au moment où le sacrifice commence, tous ceux que n'a point encore purifiés l'onction baptismale; et quand ils ont refermé les portes du sanctuaire sur les âmes encore novices dans la foi, ils vont, en priant pour elles, recueillir les offrandes des fidèles et les déposer sur l'autel. Ils proclament ensuite les noms des fondateurs de legs pieux et lisent les diptyques des vivants et des morts.

» Chargés en quelque sorte de la direction extérieure du culte, les diacres parcourent les rangs de l'assemblée, veillant à ce que chacun assiste avec recueillement au saint sacrifice, dont ils indiquent la marche par acclamations et par signes, et c'est de leur bouche qu'au moment de la consécration se fait entendre le cri : *Sursum corda*; puis, lorsque l'évêque l'ordonne, ils distribuent eux-mêmes aux fidèles les espèces eucharistiques, spécialement la communion du calice, ou bien quand l'évêque ou le prêtre remplissent eux-mêmes cette auguste fonction, ils les accompagnent à la table sainte...., et présentent aux communicants le petit tube pour la réception du précieux sang.

» Le sacrifice terminé, le peuple ayant été béni par le prêtre, les diacres l'avertissent de se retirer, en lui donnant le salut de paix, et, se tenant de nouveau auprès des portes du temple par où sortent les fidèles, ils veillent encore au maintien de l'ordre et de la décence.

» On a dit des diacres qu'ils étaient les *yeux des évêques*; ils ne sont pas moins les yeux du peuple, les témoins immédiats de la conduite des pasteurs, comme de celle du troupeau. L'évêque, moins qu'aucun autre clerc, ne doit jamais être seul, il lui est ordonné d'avoir toujours auprès de lui des surveillants qui puissent rendre témoignage de sa vie et de ses actes, et ces surveillants sont les diacres. Telles sont les fonctions du diacre à l'égard du peuple; il y en a d'autres qui se rapportent immédiatement au sacrifice; c'est au diacre qu'il appartient de pourvoir matériellement à la célébration des mystères

divins, en disposant l'autel suivant les prescriptions liturgiques, en y plaçant le calice, la patène et tous les autres vases sacrés. Ils doivent ensuite revêtir le célébrant des ornements sacerdotaux et le conduire à l'autel avec des flambeaux allumés, non pas pour dissiper les ténèbres de la nuit, car au moment du sacrifice le soleil brille déjà de tout son éclat, mais pour symboliser la lumière éternelle qui éclaire le monde entier. Ils assistent ensuite le célébrant pendant la consécration et l'offrande de l'hostie sans tache; ils lui présentent le vase et l'eau pour le lavement des mains, cérémonie emblématique de la pureté intérieure qu'il doit apporter dans cet auguste ministère, ils lui offrent le pain et le vin au moment de la consécration; ils accompagnent du chant des psaumes les rites mystérieux du sacrifice, et, quand il est terminé, ils reconduisent l'officiant de l'autel avec le cérémonial qu'ils avaient observé pour l'y accompagner ».

1152. Ex tot tantisque muneribus diaconi in superbiam elati, se presbyteris ipsis praetulerunt, ita ut nonnulla concilia ipsis prohibere debuerint ne primum locum prae presbyteris usurparent, eucharistiam aut baptismum, nisi in casu necessitatis, administrarent, imo ne ipsum Missae sacrificium offerrent. Nam Morinus, *De sacram. poenit., lib. VI, cap. X, n. 3*, docet proprium fuisse diaconorum celebrare Missam catechumenorum quae erat ab introitu usque ad offertorium; sed aliquando, ut idem Morinus advertit, *l. c., lib. VIII, cap. XXIV*, diaconi totam Missam dicere praesumpserunt; quod concilia reprehendunt. Alias diximus (*n. 35*) quomodo nam Ecclesia ex functionibus diacono ab initio commissis inferiores ordines instituerit.

1153. Hodie juxta Pontificale Romanum, *De ordinatione diaconi*: « Diaconum oportet ministrare ad altare, baptizare et praedicare ».

Ministrare ad altare sacerdoti solemniter celebranti aut alias solemnes functiones sacras peragenti: seu ut legitur in *can. 1, dist. 25*, in Decreto: « Ad diaconum pertinet sacerdotibus ministrare in omnibus quae aguntur in sacramentis Christi ». Insigne autem proprium diaconorum est stola;

et cantare in Missa solemniter evangelium cum alba et stola est functio eisdem reservata exclusive ad omnes alios inferiores clericos.

Baptizare, idest solemniter cum caeremoniis ritualis; sed hanc potestatem diaconus exercere nequit sine licentia expressa vel tacita, non autem praesumpta, parochi aut Ordinarii. Nonnulli censent hanc licentiam diacono dari posse tantum in casu necessitatis, deficientibus presbyteris; dum presbyter non-parochus etiam citra necessitatem delegari potest (1). Communior autem sententia est hanc licentiam semper diacono, sicut presbytero, dari posse (2). Utrum diaconus solemniter baptizans sine licentia, praeter peccatum mortale, contrahat irregularitatem, necne, vide *n. 331*.

Praedicare; sed etiam pro exercitio hujus potestatis diaconus indiget licentia Ordinarii aut parochi.

1154. His adde diaconum ex commissione episcopi vel parochi licite ministrare eucharistiam in casu gravis necessitatis, idest cum nullus adsit sacerdos qui commode possit ministrare. Nimirum diaconus vi suae ordinationis recipit potestatem ministrandi hoc sacramentum a presbytero confectum, ac proinde cum subordinatione ad ipsum cui commissa est propria potestas illud dispensandi (3). Jam vero in casu extremae necessitatis, e. g. si infirmus moritur, et non est sacerdos qui eucharistiam deferat, diaconus licite suam potestatem exercet etiam absque ullius commissione, sicuti quilibet alius clericus, imo probabiliter etiam laicus. In casu gravis necessitatis, nempe cum nullus adsit sacerdos qui possit commode eucharistiam ministrare, diaconus licite suam potestatem exercet, recepta ab episcopo vel a paroco commissione. Tandem extra casum gravis necessitatis illicite suam potestatem exercet etiam

(1) Petra, in *comm. const. II Gregorii XI, n. 23 sequ., tom. IV, pag. 207*; Thesaurus, *p. II, cap. III, v. Baptismus*.

(2) Pirhing, *V, XXVIII, n. 7*; Gobat, *tract. II, De bapt., n. 138*; *Causa conscientiae de mandato Prosperi Lambertini, Cas. I, men. Jun. an. 1738*; S. Alph., *VI, n. 116*, probabilius; Suarez, *De bapt., disp. XXXI, sect. IV, n. 14*; Schmalz., *V, XXVIII, n. 7*.

(3) Honorante, *cap. IV, not. II*; Suarez, *De censuris, disp. XI, sect. III, n. 24*.

cum commissione episcopi vel parochi, qui dare illam nequeunt. Utrum vero ex hoc delicto irregularis evadat, necne, vide *n. 341*.

Non sunt sacramentalia quorum dispensatio diaconis ab Ecclesia nunc commissa sit.

1155. *Subdiaconum* « oportet aquam ad ministerium altaris praeparare; diacono ministrare; pallas altaris et corporalia abluere; calicem et patenam in usum sacrificii eidem offerre... ». Ita Pontificale Romanum, *De ordinatione subdiaconi*. Insuper ex rubricis Missalis subdiaconus indutus alba, tunicella et manipulo (qui est insigne proprium subdiaconi) cantat epistolam et tenet patenam velo involutam in Missa solemni; ac tandem defert crucem in processionibus.

In Ecclesia Graeca subdiacono competunt etiam functiones acolythi et ostiarii.

1156. *Acolythus* habet potestatem porrigendi subdiacono urceolos cum vino et aqua in sacrificio Missae, cereos accendendi, parandi quae ad sacrificium pertinent, ceroferrarium ferre dum canitur evangelium. Haec patent ex Pontificali Romano, *De ordinatione acolythi*.

1157. *Exorcistam* « oportet daemones ab obsessis abjicere, dicere populo ut qui non communicat, det locum, et aquam in ministerio fundere », ut legitur in Pontificali Romano, *De ordinatione exorcistarum*. Porro in Rituali Romano est titulus, *De exorcizandis obsessis*: et nemo in hac exorcizatione exorcismis inibi descriptis aliquid addere vel demere potest. Ceterum cum ante omnia constare debeat utrum revera a daemone obsessus sit necne is qui talis esse affirmatur, nemo ad exorcismos devenire debet sine licentia Ordinarii; qui ex Benedicto XIV, const. *Sollicitudini*, die 1 Oct. 1745, *n. 43*, exorcizandi officium, postquam de obsessione constiterit, committere potius debet sacerdoti perspectae pietatis, vitae integritatis, atque prudentiae.

1158. *Lectorem* « oportet legere ea quae (vel ei qui) praedicat, et lectiones cantare, et benedicere panem et omnes fructus novos »; Pontificale Romanum, *De ordinatione*

lectoris. Vide *n. 1021*. Lectoris etiam est populum catechizare, seu instruere in rebus fidei.

1159. *Ostiarium* « oportet percutere cymbalum et campanam, aperire ecclesiam et sacrarium, et librum aperire ei qui praedicat ». Pontificale Romanum, *De ordinatione ostiarii*. Item ostiarius dignos in ecclesiam admittit, indignos ab eadem excludit, et quae intra ecclesiam sunt, custodit.

1160. Tandem prima tonsura nullam confert potestatem.